

Entre dos volers sui pensius

Bdt 406,28

Mss.: **A 43, B 30, C 81, D 98, Dc 252, E 42, H 16, I 69, K 53, M 113, N 216, R 85, T 181, U 92, V 44, a2 316, f 67, anon L 136, S 213.**

Metrica: a8, b8, c8, d8, e7, f7, g10, h10. Cinque *coblas unissonans* di otto versi e due *tornadas* di quattro versi.

Rime: a, d: *-ius*; b, c: *-ais*; e, f: *-o*; g, h: *-ens*.

Edizione precedente: Topsfield, 1971, p.224.

- letto 304 volte

Edizioni

- letto 181 volte

Topsfield

I.
Entre dos volers sui pensius
qe·l cors me ditz q?ieu non chant mais
et Amors no vol que m?en lais
mentre qu?el segl? estarai vius:
de laisser agr? ieu razo
qe mais non fezes chansso,
mas per so chant car amors e jovens
restaura tot qant tol mesur? e sens.

II.
E s?anc nuill jorn fui esforcus
d?esser adreitz, cortes e gais,
eras coven que m?i eslais
ab ditz et ab faitz agradius,
q?en tal dompn? ai sospeisso
qe·l sieu ric, car guizerdo
non pot servir nuills hom desavinens,
si tot s?es rics e poderos e gens.

III.

Ab aitals honratz seignorius
ai eu estat totz temps verais,
c?afans ni pena ni esglais
ni nuills maltraitz no m?es esqius;
per que dien a lairo
c?anc d?amor non fich mon pro;
menton, q?ahutz n?ai bes e gauzimens
e n?ai sofertz dans e galiamens.

IV.

Per bona dompna sui antius
qand ja fai ren don sos pretz bais.
E car una dompneta·m trais,
tornarai m?en vilans mesclius?
Non! C?a lieis sabria bo
si la tornav? en rosso;
c?a las avols non ten dan faillimens
e prezo·is mais per gabs e per contens.

V.

De cui qe·is vol baisse sos brius
puois l'honors midonz mont? e nais,
c?aissi cum la rosa e·l glais
gensson qan repaira l'estius,
ma dompn? a tot l'an sazo,
qu?il sap genssar sa faisso
ab bels semblans et ab coindes parvens
don creis sos pretz e sos captenemens.

VI.

Per lieis am fontanas e rius,
bos e vergiers e plans e plais,
las dompnas e·ls pros e·ls savais,
e·ls savis e·ls fols e·ls badius
de la francha regio
don ill es e de viro;
que tant es lai viratz mos pessamens,
qe mais non cuig sia terra ni gens.

VII.

N?Alazais de Boisanso
fai son pretz meillor de bo,
e perda Dieu qui l'er desavinens,
pos tant gen sec sos bels comenssamens.

VIII.

Novel amor mi somo
qu?ie·l serva de tal razo:
c?a Miraval sia totz establiment
dels bes d'Amor e dels verais covens.

- letto 223 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/entre-dos-volers-sui-pensius>